

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 1094 del 07/05/2021

Traduzione in mòcheno

Der projekt Coliving: an guatn vurm ver za gea’ keing en minderaugea’

Hauptpiler van zboate bando Coliving, no der sèll van 2020 en Lusern, ist de Gamoa’ va Canal San Bovo, a trentiner dorf as en de leistn jarder hòt tsechen an lònksomen ober regelmessegen lòntvliachen. En zentrum van bando stea’ de Gamoa’ va Canal San Bovo ont de ITEA spa as gem vinf haiser, ver a zait va vinf jor ont pet an kontrakt a’ne zins (de òndern kostn miasn zolt kemmen va ber as geat za lem). Der projekt hòt an topletn bèrt: “innviln” de òllgamoa’haiser as nèt galep ont praucht sai’, ont zaglaich trong naia ont junga familie pet kinder asou za gem a naia hoffnung ont a nai zait en Canal San Bovo. Toalnemmen en bando Coliving ver de familie bart nèt song belln lai gea’ za lem en Vanoi, ober kemmen za nemmen toal en zòmlem va de gamoa’schòft aa ont zòmòrbetn en verpesser va de birtschòft ont va de kultur van lònt. En webinar bart toalnemmen de provinzal asesoren Stefania Segnana aa.

Der uffizal vourstell van zboate bando Coliving bart se hòlten en online meeting van eirta va de 11 van moi, va um sechsa nomitto finz um sima ont a hòlbs.

S bart an moment sai’ ver za denken va nait en de mission, en de bèrtn ont en de riven van projekt, verraichert van kuntschòftn van an toal autoritetn va de Gamoa’ va Canal San Bovo, va de Itea spa, va de Autonome Provinz va Trea’t ont va de Magnifica Comunità van Altipiani cimbri ont va de Gamoa’ va Lusern, as barn klòffen van bèrt as der Coliving trong hòt en sèll lònt.

PROGRAMM

Debora Nicoletto Dinst ver de familia, Autonome Provinz va Trea’t – moderatoren

Grias van autoritetn

Bortolo Rattin Pirgermoaster va de Gamoa’ va Canal San Bovo

Stefania Segnana Asesoren en de familiapolitik, Autonome Provinz va Trea’t

Salvatore Ghirardini President ITEA spa

Federico Samaden President Fondazione Demarchi

Il progetto Coliving – Proiezion van video

Luciano Malfer General Vourstea’ner Dinst ver de familia, Autonome Provinz va Trea’t – Abia as gòngen ist der “Coliving” en Lusern

Nicoletta Carbonari Commissario, Magnifica Comunità Altipiani cimbri

Andrea Golo Funzionario, Magnifica comunità Altipiani cimbri

Leistn dinger Roberto Pradel Commissario Comunità di Primiero

NOCHRICHTN

Ver za nemmen toal en de naiket s ist noat za villn inn der innschraimsemodel as men vinnt en doi link:

<https://forms.gle/vmCN1B8CV9gKZ5kh6>

Ver de lait as se se innschraim turch de e-mail, der privat link ver za nemmen toal en trèff bart prauchen der videokonferenzvurm Zoom.

DERZUA DE BROCHURE

Ibersetz gamòcht van Sprochtirl va de Tolgamoaschòft Hoa Valzegu' ont Bersntol
(Traduzione a cura dello Sportello linguistico della Comunità Alta Valsugana e Bersntol)

(cdt)